


SENIOR CERTIFICATE EXAMINATION
SENIORSERTIFIKAAT-EKSAMEN



OCTOBER / NOVEMBER
OKTOBER / NOVEMBER

2004

SETSWANA PUO YA BOBEDI
SEEMOGODIMO

(Pampiri ya Ntlha)

HG

931-1/1

6 pages

SETSWANA SECOND LANGUAGE HG: Paper 1



COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI



LEFAPHA LA THUTO LA GAUTENG
TLHATLHOBO YA MAKGAOLAKGANG

SETSWANA PUO YA BOBEDI
SEEMOGODIMO
(Pampiri ya Ntlha)

NAKO: Diura tse 2

MADUO: 80

DITAELO:

- Pampiri e, e arotswe ka dikarolo tse tharo, A, B le C.
 - Araba dipotso go tswa mo dikarolong di le tharo.
 - Mo go Karolo B tlhopha temana e le nngwe fela.
 - Tlhaloganya potso pele o e araba.
 - Rulaganya tiro ya gago sentle.
-

KAROLO YA A
TEKATLHALOGANYO

POTSO 1

Buisa temana e e latelang mme morago o arabe dipotso tse di e latelang:

"C-c-c-c! Dilo tsa diragala. O kile wa bona kae monna a tladitse lapa ka bana a bo a le tlogela tadi e amusa? E a tle e re go le mo tebelelong ya monna a thutse botala ka tlhogo, e nne e kete go a tshamekwa fa go opelwa sefela sa Sione se se reng Loso lwa gagwe lo a ntshedisa." Lekau lengwe la kwa Bobididi, Motene, e ne e le konyana. O ne a itshokela thuto. Fa a fetsa dithuto tsa gagwe tsa sekolo sa banyana, o ne a ya go ithutela go tshwara tshoko kwa kholetsheng ya gaetsho e e kwa lekaišaneng la Tlhabane. Ba losika ba ne ba mo ja setshego, ba re o tsosalela mo sekolong. O ne a setse ka mme fela. Fa a konosetsa dithuto tsa gagwe, mmaagwe a mo tlogela. O ne a sala le bomogoloe, Mmaphefo le Mosime. O simolotse go dira ka pelo e e robegileng. O ne a bona tiro mo go sengwe sa dikolo tsa mo lekaišaneng la Tlhabane. Ka nako eo, o ne a setse a medile sekgwa se sentsho go dikologa dipounama. O ne a jewa ke bodutu. A lemoga gore botshelo ga bo mo dumele. E rile a ntse a kailakaila mo motseng wa gaabo, a re kgatlhathuu! le Nteseng. Nteseng yo, e ne e le moeng mo Bobididi, mme a nna fa ga malomaagwe. A kgatlhwa. A mo tshepisa legodimo le lefatshe. Le fa tsela e ne e le moepa, o ne a kgona go ka o tshela.

(Kgofla o mone: S.S Mokua)

- 1.1 O tlhaloganya eng ka sefela se, **losa lwa gagwe lo a ntshedisa** (2)
- 1.2 Dithuto tsa banyana ke tse di ntseng jang? (2)
- 1.3 Fa go tse monna o tladitse bana ka lapa go tewang? (2)

- 1.4 Naya dilo di le PEDI tse di diragaletseng Motene fa a fetsa go konosetsa dithuto tsa gagwe. (2)
- 1.5 Baithuti ba ba neng ba tsena sekolo kwa Tlhabane ba ne ba ithutela eng? (1)
- 1.6 Ke eng se se neng se sa mo itumedise ka ba losika lwa gagwe? (2)
- 1.7 Go ya ka wena a go siame go tshega fa motho a tsosalela kwa sekolong (2)
- 1.8 Pelo e e robegileng ke e e ntseng jang? (2)
- 1.9 Bodutu jo Motene a bo kayang, ke jo bo ntseng jang? (2)
- 1.10 Motene e ne e le motho yo o ntseng jang? Neela dintlha di le PEDI. (2)
- 1.11 Motene o ne a kgatlhwa ke eng fa a ntse a kailakaila? (2)
- 1.12 Motene o ne a sala le bomang fa mmaagwe a sena go mo tlogela? (2)
- 1.13 Fa a sena go konosetsa dithuto tsa gagwe o ne a bona tiro kwa kae? (2)
- 1.14 Tlhalosa dipolelo tse di latelang:
 - (a) Tadi e amusa (2)
 - (b) E ne e le konyana (2)
 - (c) Go thula botala ka tlhogo (2)
 - (d) Sekgwa se sentsho se se medileng (2)
 - (e) Tsela e e moepa (2)

PALOGOTLHE YA KAROLO YA A: [35]

KAROLO YA B TSHOSOBANYO

POTSO 2

Araba 2.1 KGOTSA 2.2


- 2.1 Buisa temana e e latelang mme morago o e sosobanye ka dintlha di le LESOME.

Kana ga bo na botlhobogo. Le fa botshelo bo ka thatafalela motho gore a bo a pitike mo loroleng ga a ke a ithobogela ruri. Le gale, rotlhe re na le boithopelo. Go fitlha jaanong Morongwe o ntse a dirisa tsela e le nngwe fela go ya sekolong. E ne e kete o tshela a le esi fela mo lefatsheng gonne o ne a e tsamaya a le mongwe mme sekolo sona se le kgakajana go tswa fa gaabo. Ka ntlha ya fa a ne a sa tihokomelesega sentle ka fa ntlheng ya dijo ntshu ya gagwe e ne e dula e se na sepe, o tla fitlhela a tshwerwe ke tlala. Rraagwe o ne a bona tuelo e e ka ba tlamelang sentle mme bogolo go rekwa bojalwa ka yona. Morongwa o ne a sa fitlhelele bophepa jwa basetsana ba dingwaga tsa gagwe ka a ne a farologanya diaparo sewelo mme se se tlotlheditse gore a se ka a tsalana le ope ka tshetleballo ka ntlha ya boinyatso.

(Moremogolo: S Dichabe)

KGOTSA

2.2 Sekaseka ditshwantsho tse di latelang mme morago o di sosobanye ka dintlha di le LESOME.



PALOGOTLHE YA KAROLO YA B: [10]

KAROLO YA C THUTAPUO

POTSO 3

Buisa temana ke eo, o itse go araba dipotso tse di tla e latelang.

Loso..., ruri re agile nalo mme fela ga re lo tiwaele. Rre a tlamega go ya go batla tiro kwa Mangaung. Go ya tirong a phakela ka makuku go namela seminofo, terene ya badiri. Go thuba serame sa meso mo marigeng le go welwa ke kgaba ya maabanyane fa a boa tirong, ga mo gakaletsa bolwetse. A ga e a re re sa ntse re re tsotlhe di apere tshiamo, mme a tshogana ka a amogela papetlana ya lekwalo. Nna ke utlwile segajaja ke le kwa morago ga ntlo. Ga ke sa gakologelwa gore ke ne ke tshwaragane le eng. A ke ne ke tshwaragane le go tlatlhela dikoko mo gare ga serobe, a kgotsa ke ratha dikgong...? Ga ke sa gakologelwa. Tota ga ke tlhole ke gakologelwa sepesepe fela.

Se ke se itseng ke ne ka utlwa legau fela la lentswe la ga mme. Ga bo go ntse. Ga ke itse gore go ne ga diragala eng? Morago ga moo, gonne e rile ke itharabologelwa ka bo ke dikilwe ke dipota tse ditshweu. Tlhogo ya me e ratha jaaka o ka re ke ne ke opilwe ke motho ka molamu, mme jaanong e rata go phatloga. Mongwe wa baoki a mpolelela gore ke ile ka kgotswa mme ke rathile pitsa e e neng e le gaufi le leiso ka phatla mme ka idibala. Fa e le mme ena ka podi ya tsela ka utlwa magatwe a gore o ne a tle a leke go bua mme dipounama di tsamaya fela, morago ke a bona le ene a itidimalela. Go ne go se ka mkgwa o mongwe. E rile go tswa kwa Moroka ka tlhamalela kwa Gaeng-ja-Bana.

Baswabile: Rremogolo Motlhaping

- 3.1 Neela **bongwe** jwa letlhophi le le latelang:
 - 3.1.1 Tsotlhe (1)
- 3.2 Dirisa lesupi "**tse**" mo dipolelong jaaka:
 - 3.2.1 Sediri
 - 3.2.2 Tlhalosi ya kopanelo 2 x 2 = (4)
- 3.3 Dirisa **matlhalosi** a a latelang mo dipolelong tse di tlabosang:
 - 3.3.1 Phakela
 - 3.3.2 Mangaung 2 x 2 = (4)
- 3.4 Dirisa **makopanyi** a a latelang mo dipolelong tse di tlabosang:
 - 3.4.1 Mme
 - 3.4.2 Le 2 x 2 = (4)
- 3.5 Dirisa mafoko a a latelang mo dipolelong go supa bokao jo bo farologaneng le jwa temana.
 - 3.5.1 Lentswe
 - 3.5.2 Bua 2 x 2 = (4)

3.6 Naya **bongwe** jwa maina a a latelang:

3.6.1 Dipounama

3.6.2 Dikgong

2 x 1 = (2)

3.7 Kwalolola dipolelo tse di latelang mme o dirise **maemedi** boemong jwa maina a a thaletsweng:

3.7.1 A tshogane ka a amogela papetlana ya lekwalo.

3.7.2 Tlhogo ya me e ratha jaaka e kete ke rathilwe ke motho ka molamu. 2 x 1 = (2)

3.8 Tlhaola polelwana e mo go yona go dirisitsweng **letlhaodi** mo temaneng: (2)

3.9 Nopola motlhalana go tswa mo temaneng o go dirisitsweng **lebotsi** mo go ona: (2)

3.10 Inola **madiri a** MABEDI go tswa mo dipolelong tse di latelang a a bontshang katoloso ya **pheti** le **tirwa**.

3.10.1 E rile ke itharabologelwa ka bo ke dikilwe ke dipota tse ditshweu.

3.10.2 Ke ile ka kgotšwa mme ke rathile pitsa e e neng e le gaufi le leiso. 2 x 1 = (2)

3.11 Naya **malatodi** a mafoko a a latelang:

3.11.1 Morago

3.11.2 Meso

2 x 1 = (2)

3.12 Naya **makaelagongwe** a mafoko a a latelang:

3.12.1 Agile

3.12.2 Tlamega

2 x 1 = (2)

3.13 Bolela gore ke dikapuo dife tse di dirisitsweng mo dipolelong tse di latelang:

3.13.1 Tlhogo ya me e ratha jaaka o ka re ke ne ke opilwe ke motho ka molamu.

3.13.2 Loso ruri re agile nalo. 2 x 1 = (2)

3.14 Naya tlhaloso ya maele a a latelang:

3.14.1 Go thuba serame sa meso.

3.14.2 Go utlwa ka podi ya tsela.

2 x 1 = (2)

PALOGOTLHE YA KAROLO YA C: [35]

PALOGOTLHE: 80